



SAMICHLAUS - VERS

Ou Samichlaus, ou Samichlaus
dys Hüüsli wett ech gseh.
Im töife Wald, im töife Wald,
voll Liechter ond im Schnee.

Du, Samichlaus, du Samichlaus,
muesch du kei Höuf meh ha?
De Teig usrolle, de Teig usrolle:
Ech hätt secher Fröid do dra.

Ui Samichlaus, ui Samichlaus,
im grosse Wald juhee.
Do möchte ech sii, do möchte ech sii,
be de Hase ond de Reh.

Jo Samichlaus, jo Samichlaus
säg darf ech einisch cho?
Zo der is Huus, zo der is Huus,
so säg doch bitte jo!
